

Governans kelestarian dan potensi tenaga diperbaharui ke arah kesejahteraan alam sekitar di Malaysia

ABSTRAK

Malaysia sebagai salah sebuah negara yang pesat membangun menunjukkan tren permintaan yang semakin meningkat terhadap sumber tenaga. Justeru, negara telah mengorak langkah dalam usaha mengeksplorasi tenaga diperbaharui (RE) kerana Malaysia kaya dengan RE seperti biojisim, tenaga suria, angin dan juga mini hidro. Potensi RE ini adalah sangat besar, terutamanya tenaga biojisim, hidro dan solar, justeru, RE menjadi fokus utama dalam menggantikan tenaga fosil seperti petroleum kerana ianya boleh diperbaharui iaitu boleh diganti secara semula jadi dalam jangka masa yang singkat, selamat, menjimatkan, tidak memudaratkan alam sekitar dan akan kekal selamanya walaupun penggunaannya berterusan. Menjelang tahun 2020, Malaysia menyasarkan untuk meningkatkan sumbangan RE kepada 11 peratus berbanding sekitar 0.8 peratus pada masa kini dan sedang berusaha mencapai sasaran tersebut. Justeru, usaha berterusan sedang giat dijalankan oleh kerajaan bagi mempelbagaikan sumber tenaga, terutamanya meneroka potensi penghasilan tenaga daripada sumber RE. Antaranya memberikan pelbagai galakan dan inisiatif tambahan seperti Taraf Perintis dengan pengecualian cukai sebanyak 70% ke atas pendapatan statutori selama 5 tahun selain pengecualian duti import dan cukai jualan ke atas peralatan yang digunakan untuk projek berkenaan jika tidak dikeluarkan dalam negara. Langkah lain yang dijalankan termasuklah mengenakan caj tambahan sebanyak 1.6 peratus ke atas pengguna tenaga elektrik bagi dimasukkan ke dalam Tabung Tenaga Boleh Diperbaharui (TBB) bertujuan memperbanyak lagi kapasiti RE di negara ini. Sebagai tambahan, pengguna yang memasang sistem fotovoltaik di rumah pula akan mendapat bayaran bulanan dari Tenaga Nasional Berhad (TNB) untuk elektrik yang dijana selama 21 tahun melalui pembayaran tarif galakan (FiT). Semua usaha tersebut diharap mampu memperluaskan lagi perkembangan pembangunan Tenaga RE sebagai sumber bahan api di negara ini.

KataKunci: Tenaga diperbaharui; Malaysia; Potensi; Usaha giat